



KEMENTERIAN PERTANIAN DAN KETERJAMINAN MAKANAN

Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : www.kpk.gov.my

SIARAN MEDIA

TASKFORCE OPERASI BERSEPADU BERAS TEMPATAN (OP BPT) DILANJUTKAN DUA MINGGU LAGI BAGI PEMERKASAAN PENGUATKUASAAN DI PINTU MASUK

KUALA LUMPUR, 3 NOVEMBER 2023 – Mesyuarat Mingguan *Taskforce* Operasi Bersepadu Beras Putih Tempatan (OP BPT) Bilangan ke-5 telah diadakan pada Khamis lalu, di Menara Lembaga Pertubuhan Peladang (LPP), Kuala Lumpur.

Mesyuarat telah bersetuju supaya *taskforce* ini **dilanjutkan** dua (2) minggu lagi sehingga **17 November 2023** bagi mempergiatkan operasi terutama di Sabah dan Sarawak kerana melibatkan isu penyeludupan beras putih import (BPI) bersubsidi ke negara jiran. Melalui pelanjutan tempoh ini, penguatkuasaan secara bersepadu akan terus dijalankan di pintu masuk sempadan Sabah dan Sarawak serta diperketatkan lagi melalui *taskforce* ini bagi mengelakkan ketirisan subsidi dan pembaziran wang negara.

Sehingga 1 November 2023, pihak Kawalselia Padi dan Beras (KPB), Jabatan Perkhidmatan Kuarantin dan Pemeriksaan Malaysia (MAQIS), Polis Diraja Malaysia (PDRM), Bahagian Penguat Kuasa, Kementerian Perdagangan Dalam Negeri dan Kos Sara Hidup (KPDN) serta Jabatan Kastam Diraja Malaysia (JKDM) telah menjalankan 196 pemeriksaan premis melibatkan 71 kilang, 113 pemborong dan 12 peruncit di Semenanjung Malaysia. Sehingga kini, terdapat tiga (3) kes sedang disiasat di bawah Akta Kawalan Padi dan Beras 1994 dan sembilan (9) kes di bawah KPDN.

Kementerian Pertanian dan Keterjaminan Makanan (KPKM) ingin mengingatkan bahawa tindakan tegas akan diambil terhadap mana-mana pihak yang didapati menukar kampit atau mencampurkan BPT dengan BPI, menyeludup keluar BPI atau menyembunyikan bekalan BPT.

Orang ramai yang mempunyai aduan atau maklumat berkenaan isu bekalan beras, boleh menyalurkannya melalui *hotline* aduan 03-8870 2393/2207.

YB DATUK CHAN FOONG HIN

**TIMBALAN MENTERI PERTANIAN DAN KETERJAMINAN MAKANAN SELAKU
PENGURUSI TASKFORCE OPERASI BERSEPADU BERAS TEMPATAN (OP BPT)**

3 NOVEMBER 2023